

Vuoiggalaš ekologalaš sirdáseami prinsihpat

Šaddovistegásaid dagahan dálkkádaga liegganeapmi ja dan mielde čuvvon lassánan goikkisvuohta, eanabuollimat, váralaš stoarpmat ja dulvit leat hedjonahttan jo dál olbmuid eallindilálašvuođaid ja dearvvašvuođa. Olmmošgoddi ferte sirdásit johtilit dáláš luondduriggodagaid badjelmearálaš golaheapmái ja fossiilaekonomiijai vuođđuduvvi servodagas planehta rájiid gudnejahtti, ekologalaččat bistevas buresveadjinservodaga guvlui. Dán nuppástusa gohčodit ekologalaš sirdáseapmin.

Hálddašuvvon ekologalaš sirdáseapmi eaktuda vuoiggalašvuođa vuhtiiváldima. Mii vuolláičállán bealit meroštallat dán prinsihppalinnjemis prinsihpaid, maid galgá čuovvut vuoiggalaš sirdáseamis. Mii čatnasit daidda iežamet doaimmas ja váikkuhanbarggus, ja movttiidahttit maiddái mearrideaddjiid gudnejahttit daid.

1. Eanaspáppa liegganeami galgá ráddjet beannot grádii ovdaindustriijalaš áiggis. Luonddujávkku galgá bissehit.
2. Mearrádusaid, mat dahkkojuvvojit dárbbášlaš doaimmain galgá vuođustit buoremus dieđalaš dihtui, mii lea geavahas.
3. Dárbbášlaš doaimmaid mihttoluohká ja johtilvuođa árvoštaladettiin galgá vuhtiiváldit nu várrogasvuođaprinsihpa go boahttevaš sohka buolvaid. Dan sivas dárbbášlaš luoitogeahpádusaid ja doaimmaid, mat čuhcet luonddujávkui galgá dahkat doarvái áiggil. Suoma lágan rikkis riikkaid ovddasvástádus lea dahkat daid doaimmaid johtilabbot go ovdáneaddji riikkat ja oassálastit ovdáneaddji riikkaid dálkkádat- ja luonddujávkodoaimmaid ruhtadeapmái.
4. Sirdáseapmi galgá leat plánavuloš ja gillilit čađahahtti. Suopma galgá ráhkadit áššedovdidihtui vuođđuduvvi plána, mii lea konkrehtalaš ja man beavádit jámma dan birra, mo olles servodaga gokči vuoiggalaš ekologalaš sirdáseami lea vejolaš ollašuttit ollisvuohtan. Sirdáseamis lea dehálaš vuhtiiváldit politihka njuolgguslašvuođa: maiddái doaimmat, mat eai leat njuolga čanastagas ekologalaš sirdáseapmái, galget leat linnjás sirdásemiin.
5. Vuoiggalaš ekologalaš sirdáseami váibmosis leat olmmošvuoigatvuođat. Dálkkádat- ja luonddujávkodoaimmat fertejit čuovvut Suoma olmmošvuoigatvuođageatnegasvuođaid.
6. Giige ii guđđojuvvo ovdáneamis maŋábeallai. Sirdásandilálašvuođas erenoamáš fuomášumi ferte giddet hávváduvvi ja heajumus sajádagas leahkki ja marginaliserejuvvon ja olggušteapmái sodjavaš olbmuide ja dorvvastit sin vuoigatvuođaid ollašuvvama. Maiddái sirdásansurggiin doaibmi bargiid, eanadoallofitnodatolbmuid ja fitnodatolbmuid galgá dovdát, ja sin galgá doarjut.

7. Vuoiggalaš ekologalaš sirdáseapmi geahpeda geafivuođa ja sosiálalaš ja ekonomalaš sierraárvvu. Sirdáseamis bohtán goluid vuoiggalaš juohkin eaktuda progressiivvalaš vearrovuogádahkii vuodđuduvvi ruhtadanvuođu.

8. Sirdáseamis ferte sihkkarastit sihke Suomas ja máilmmis bargofámu vuoiggalaš sirdáseami čitnaneutrála buvttadan- ja bálvalandoaimmaide beaivádemiin máhtu ja hábmemiin barggu ja buorrenálat bargosajiid, main lea olmmošárvu.

9. Bargomárkanoassebeliin, álbmotorganisašuvnnain, eará čanusjoavkkuin ja ovttaskas olbmuiin ferte leat vejolašvuohta oassálastit dálkkádat- ja luonddujávkodoaimmaid plánemii, ollašuhthimii ja mearrádusdahkamii sihke dihto doaimmaid árvoštallamii.

10. Suomas ekologalaš sirdáseami ovdáneami ja dan váikkuhusaid olmmošvuoigatvuođaid ollašuvvamii, barggolašvuhtii ja máhttui, ekonomalaš sierraárvui, fuolahussihkkarvuhtii ja hávváduvvi, marginaliserejuvnon ja olggušteapmái sodjavaš olbmuide ferte čuovvut sierranas mihttáriin ovdamearkka dihte oassin dálkkádatjahkemuitalusas. Dálkkádatjahkemuitalusas galggašii dárkut maiddái daid riikkaidgaskasaš váikkuhusaid, mat Suoma ekologalaš sirdáseamiin lea eará riikkaide, ja erenoamážit ovdáneaddji ekonomiiijaide.